


PRIES 450 ct. OF 90 KNEP

Kwiebus



Gezet





Vorst Kwiebus 1987
Peter Janssen

't Waord is aan de Vorst

Kwiebussinne en Kwiebusse

As Vorst Kwiebus 1987 wil ich uch gaer vanaaf dees plaats auch names Marlies hertelik bedanke vêur het fantasties onthaol waat mich op 't Vorstenbal ten deil moch valle.

Zooë steisse der mit de kriebels in 't lief achter det „Waopen van Naer” woë se door haer mos en zooë steisse der verlostj van alle kriebels dank

zij de geweldige ontvangst van uch Kwiebusse en Kwiebussinne as Vorst Kwiebus 1987.

Dae sjoëne sfeer dae der waas tiejes 't aod-wieverbal zal ich neet gauw vergaete.

De meneer wietj gae hebt mitgedaon en de groeëte belangstelling tiejes de resepsie en frushoppen hübbe mich ein enorme kik gegaewe. Nog ins hieël hertelik dank daoveur.

Ein woord van dank vêur de Adjudant, de leden van de Raod van Elf en het bestjuur veur de steun en veur 't vertroewe waatse in mich gestêldj hubbe.

Ich zal der den auch alles aan doen omdet vertroewe waar te make.

Auch de dames van de Vastelaovesvereniging en de dames van de Vorstelikke kapel bèn ich zieër erkentelik veur heur charmante biedrage aan de diverse festiviteiten.

Oos Vorstelikke kapel „Neet te vergaete”, bedanktj veur dae sfeervolle muziek daetj gae op de diverse aovendje en tiejes de resepsie ten ge-huure hubt gebrachtj.

De Knapenzengers mit heure keij goje sjlager daeze bij edere gelaegenheid presentere, bedanktj jonges 't kan neet mieër kepot.

Ich weit zeker, as ederein zich mit de vastelaovindjsdaag zoeë in blijftj zêtte, wae eine vastelaovindj zulle kriege dae nemes mieër zal könne vergaete.

Kwiebussinne en Kwiebusse maaktjere eine swingende vastelaovindj van.

Gaer wil ich as Vorst Kwiebus 1987 uch dao in veurgaon, onger mien leus:

**Drie daag same sjanse . . .
De waever danse.**



Kwiebusse en Kwiebussinne,
Weer is ut vuur mig een groëte iër om vuuraan in dees gezit get te moge schriëve en ig doan dat dan oog mit voël plezeer.

As dees gezit oëtkumt zint vier gans kort bie de drie döl daag. Voël van de vuurbereidinge zint dan al getroffe, mer degene, dea den nog nieks aangedoan hat mot zig noe tog waal goan spouwe.

De vuurspiële woare good, van de bote oavent kin ig zigge dat hea geweldig woar. Dat beloajtj weer voël goots.

Bie dat alles wunsj ig ug allenuj hiël vôi plezeer.

Alaaf, oag vuur de kwiebusse en kwiebussinne, de groëte en de kleine,
JAL Peeters, Burgemeester

Proklamasie

Bie de grasie van alle Naerse Kwiebusse en Kwiebussinne op de 31-ste daag van de 1-ste maond van et 112-jaorig bestaon beneumdj as Vorst Kwiebus XXXVI beschermhieër van de Linjestraot, vèurganger vanne voetbalclub en et zaalvoetbal, ieërekeumeister van de biljaarvereniging, gedecoreerd lid van de ongerwieswaereld, bepaole wae:

1. Det wae der dit jaor weer vèur zorge det oze vastelaovend weer onvergaelik zal zeen:
Naer kom op.....Kwiebus vèurop!
2. Det weer massaal, egaal welk waer, aan de optocht wèurdj deilgenaome:
Waer of gein waer.....Draan!
3. Det boeëtedörpse auch dit jaor weer welkom zeen:
Kwiebus neet of waal.....Knatsj Egaal!
4. Dao wae, onger begeleiding van oos eige Vorstelikke Kapel, allein mer Naerse schlagers zinge want wae make:
Op ein Naerse meneer.....Vèul plezeer!
5. Det et Linjebaum beer weer riekelik zal vloeie want:
Kwiebusse van Naer.....Höffe gaer!
6. Dae get dit kèntj doon toet de Kwiebus is verbrandj et meuktj neet oet wanniër:
Vreug of laat.....Haot em naat!
7. Det et niks oetmeuktj as gae der smörges slecht aan zeetj:
Krank of fit.....Allemaol mit!
8. Det wae zelfstenjig môtte blieve:
Naer blietj bestaon.....Kwiebus laot gaon!
9. Det as Roggel den toch bie Naer kumtj wae hêur et volgende waal duudelik make:
Tösse Kanaal en Maas.....Zeen wae de baas!
10. Det edere rechtgearde Kwiebus verklèdj op paad geit want:
Kwiebusse van Naer.....Doon et gaer!
11. Det der deze vastelaovendj vèul gesjansjt en gedanstj zal wèure onger mien leus:

Same drie daag sjanse.....

.....De WAEVER danse!!!

De vastelaovesvereniging proclameert bie deze auch naog det dees Kwiebusgezèt is oetgebrèdj mit ein extra bielage. Daobie is et neet verbaoje òm de groeëte foto vanne vorst mit dees daag vèur de raam te hange.

Kwiebusse en Kwiebussinne,

Et zitj drop. Et is gedaon. Ich môt nao gaon. Mien plaats maak ich mit ein bietje pieën in 't hert vrie vêur miene opvolger. Det ich hem et bèste gun zal ich as adjudant probere te bewieze. Vêurdet ich die taak aan gaon wil ich toch nog efkes get miense bedanke:

- Waat ware wae gewaes zonger de steun van de dames van de leje van de Vorstelijke kapel en de carnavalsvereniging? Niks toch? Maedjes bedanktj!
- Woeë waas ich en de hieël kompanie gewaes zonger de muzikale steun van Vorstelijke Kapel? Nörges toch! Muzikanten, mien complimenten.
- Wie haaj ich gestange zonger de steun van de leje van et bestuur en de raad van elf? Ein stök slechter det weit ich zeker. Jônges eure steun kwaam deep oet et hert, mieëne dank auch.
- Wie zöl et zeen gegange zonger de enthousiaste steun van miene adjudant Bas? Zeker neet zoë sjoëen! Bas mien jaor waas aaf en dao hōbs doe ein hieël stök aan mitgeholpe.
- Mien vrouw Truus mook et gehieël compleet. Zoë stōng letterlik en figuurlik mit leefde naeve mich. Truus bedanktj, vêur diene raad en bie-standj.
- Kwiebusse en Kwiebussine de vastelaovendj 1986 en alles waat dao vêur en dao nao kwaam zal ich neet mekkelik mieër vergaete, en det zeen gae schuldj. Gae zeentj bedanktj !!! En daorôm nog eine kieër mien leus:

Naers vastelaovesblood...

..êuveral good!!!



KWIEBUSSJLAGER 1987

OOS KWIEBUSRIEK

In oos Naer geit get gebeure
kiektj mens boete oppe sjtraot
miense lache, zinge, springe
van 't fort toet in de gaot.

Refrein:

Jao os Naer det is ein dōrpke klein en sjoën
dao is eederein geliek
auch pesjoer en burgervader
huëre toet os Kwiebusriek.

Drie daag kenne wae noew fiëste
vasteloavindj is in 't landj
zinge, danse en tampiëste
det versterktj de Naerse bandj.

Refrein:

Same danse wae de waever
zet de zorg mer aan de kantj
en zoa gaon wae door met fiëste
toet de Kwiebus is verbrandj.

Refrein 2x


muziek: G.Gielen
tekst: K.Verheijden



Carnavalsvereniging „De Kwiebusse” - Naer - Vorst Kwiebus, Adjudant en Raod van Elf.

onder v.l.n.r. Raod van Elf, Leon Pouls, Ben Theelen, Adjudant Peter Geenen, Vorst Peter Janssen,
Bas Heynen, Jacq. Janssen.


boven v.l.n.r. Ben Theelen, Wiel Derikx, Math v. Knippenberg, Jos Strous, Pieter Sijben, Ton Klaessen, Jos Emonts.



BESTUUR CARNAVALSVERENIGING „DE KWIEBUSSE” - NAER

onder v.l.n.r. Lei Derikx, Piet Peeters, Huub Geenen, Har v. Knippenberg

boven v.l.n.r. Har Beurskens, Sjaak Boonen, Sjra Smeets, Piet Smeets.



Beste Jeugdkwiebusse en Kwiebussinekes

Moog ich as Jeugdvorst XXVII uch vanaaf dees plaats hertelik bedanke, ein speciaal woord van dank wil ich richten toet 't bestjuur en de leden v.d. Jeugd-raad, veur 't vertroewe det gae in mich gesteldj hubtj, om mich te keeze toet Jeugdvorst.

Auch wil ich de groeëte raad en vorst bedanke veur heur mitwerking.

Mer zeker wil ich auch neet oos vorstelikke kepel ver-gaete want die kenne wae nog steeds neet misse.

Ich haop uch allemaol te zeen in de optocht, mer auch zeker in de K.J.V.

Verder wins ich uch hiel sjoëen daag toe en det gae de Carnaval veertj onger mien leus:

**Al zeetj gae toet niks in staot . . .
Eine Kwiebus wetj raad !!!**

Jeugdvorst XXVII
Fred v.d. Leeden

Proklematie Jeugdvorst XXVII

Biej de gratie van alle Naerse Jeugd Kwiebusse en Kwiebussinne is toet Jeugdvorst XXVII beneumtj: Fred v.d. Leeden, zoon van Gijs v.d. Leeden en Truus van Rooyackers.

Besjermhiër van Hanssum en alle veugel (in en boete de koeëj).

Minister van Middelbaar sjoëël in Heytse.

Groeëtmeister in 't beoefene van de taofeltennissport.

President bij de voetbalclub.

Besloete wae:

- 1) Det gae de carnaval veertj mit hiel veul plezeer en op ein echte Naerse meneer.
- 2) Det gae uch allemaol motj aansloete bij de raad van elf.
- 3) Det gae uch allemaol verkledj laotj zeen met de carnivalsdaag.
- 4) Det gae os auch as carnivalsvereniging good motj steune en get dukker nao de K.J.V. motj kome.

- 5) Det gae allemaol aan de optocht mit motj doen.
- 6) Det wae Naerse Jeugd de pelisimen ein paar rustige daag motte gaeve.
- 7) Det de aojers gerus get dukker nao de K.J.V. moge kome.
- 8) Det gae Carnaval motj-veere op ein Naerse meneer.
- 9) Det degene diej aafbraekendje kritiek hubbe mer 3 daag op vakantie motte gaon.
- 10) Det gae oos Vorstelikke kepel net zoveul motj waardere as wae det doon.
- 11) Det gae allemaol Carnaval motj veere onger mien leus:

**Al zeetj gae toet niks in staot
Eine Kwiebus wetj raad !!!**



**3 KWARTJES VAN DEES GEZET IS
VÊUR DE JEUGDCARNAVAL**



Afsjedswoord Jeugdvorst XXVI

Biej mien aafsjeid as Jeugdvorst XXVI wil ich vanaaf dees plaats, uch allemaol bedanke veur miene sjoëne regeringstied dae gae mich gegaeve hubtj.


Ein speciaal woord van dank wil ich richte toet 't bestuur en de Jeugdraod van elf.

Auch wil ich de groeëte raod en de Vorstelikke kapel bedanke veur heur mit wirking.

Verder wins ich Jeugdvorst XXVII veul plezeer in ziene regeringsjaor en hoop ich det gae allemaol eine plezerige carnaval moogt kriege onger mien leus:

Al is Naer noch zoeë klein . . .
't Blijftj allein !!

Jeugdvorst XXVI
Ed Dirks



Programma 1987 Jeugd-Carnaval

Vriedig 27 fibberwarie:

Jeugdvorst en Raod van Elf aanwezig bij de Carnavalsmiddig van de sjoële.

Zaoterdig 28 fibberwarie:.

van 16.00 - 19.00 oor.
Hummelkesbal veur alle kinjer
van 0-12 jaor in de K.J.V. Aansloetentj Disco
veur de groeëtere jeugd.

Zunjig 1 mieërt:

Deelname aan de Carnavalsoptocht.
Nao aafloop om plm. 16.00 oor priesoet-
reiking van de jeugd optocht in de K.J.V.
Vanaaf 19.00 oor Carnavals-Disco in de K.J.V.

Maondig 2 mieërt:

Vanaaf 19.00 oor Carnavals-Disco in de K.J.V.
Tevens kriege wae bezeug van de Groeëte Vorst
Kwiebus mit zien aanhang.

Aan de aojers van de Jeugdkwiebusse.

Net as anjer jaore, waas 't dit jaor gezellig druk bij 't oetrope van Jeugdvorst XXVII.

Mer toch haope wae van oose kantj, det wae ens mit make det d'r get mieër aojers kome kieke in de K.J.V. Oos jaarlikse pennenaktie waas net as anjer jaore geweldig.

Daoveur wille wae uch vanaf dees plaats auch hertelik danke.

Verder haoje wae auch dit jaor oos jaarliks Hummelkesbal, want wae vinje det dit neet bij oose Carnaval moog ontbraeke.

Natuurlik verwachte wae de Naerse jeugd met die drie Carnavalsdaag allemaol in de K.J.V. want dao is oeteindelik de Carnaval.

De meziek weurtj auch dit jaor verzorgtj door ein gooi discotheek, en 's maondigs weurtj dit noch extra versterktj door de vorstelikke kapel en vorst mit raod van elf.

Moog ich 't hiej bie laote en uch ein paar plezerige Carnavalsdaag toe winse en laatj uch zeker 'ns zeen in de K.J.V.

Het Bestuur
Jeugdcarnaval „De Kwiebusse”

Ministerraod Jeugdroad van Elf

Wil Metsemakers:

Besjermhieër vanne Goot en alles dao rontj om.
Groeëtmeister in 't crosse door natuur gebiede.
Minister euveralles waat mit handwerk te make haet.
Groeëtmeister in 't drinke van ein good glaas beer.

Ed Dirks:

Aafgetraoje Jeugdvorst.
Besjermhieër vanne Baandj.
Groeëtmeister in 't spraeke.
Minister euver alles waat mit handjalle te make haet.
Minister van stroeëm gedoons.

Roy Bongaerts:

Beoefenier vanne voetballerie.
Groeëtmeister in 't vaare êuver groeëte golve Besjermhieër van de technische sjoël in Helje.

Marc Hebben:

Aafgetraoje Minister van videospelkes en computers.
Besjermhieër van „de Limburger” aan de angere kantj vanne riekswaeg.
Groeëtmeister in 't kaape van versjillendje beerflesse.

Robert Hermans:

Collega van Dré v.d. Heurik.
Groeëtmeister in 't spraeke, op plaatse wao ederein stil mot zeen.
Minister van Tendemriejers.
Groeëtmeister in 't vange van vesse onger de maot.

Ron Verstegen:

Minister van bakfietsriejers.
Besjermhieër van de voetbalclub.
Groeëtmeister in 't telle (met of zonger telmechienke)
Toekomstig minister van gezette zaken.

Rogier Theelen:

Besjermhieër vanne Baandj.
Minister van jagtzake en alles dao om haer.
Groeëtmeister in 't spraeke van de Naersetaal.
Minister euver alle beer drinkers.

Guido Nellen:

Besjermhieër van Jong Nederlandj.
Minister van teiken zake.
Groeëtmeister in 't loestere nao popmeziek.
Besjermhieër euver 't oetgangslaeve in Naer.

Marc Coolsma:

Minister van boetelandse zake.
Besjermhieër vanne Winterstraat.
Groeëtmeister in 't verzamele van laeg blikskes.
Beoefenier van de taofeltennissport.
Groeëtmeister in 't euver bringe van de Nederlandse taal binne de raod van elf.

Maurice Verhoeven:

Besjermhieër van de Vorstestraot
Minister van Boetelandse gevechtssporte.
Groeëtmeister in 't opgang bringe van eine polenais.

Maikel Dirkx

Minister van Disco aangelegenhede.
Besjermhieër van de sjeetsport.
Wachtmeister van Jong Nederlandj.



Broeëdspar 1986.

Leen van Har vanne Knip en
Piet van Zeegers Tjeu.

Getûge: Piet Dirks van Haonssum en
Huëb Verstege van Mariet vanne Waever.

Groeëte Boerebroelof

op deesdig 3 miert

Biejein kome om half drie in Café 't Klumpke.
Hiej vindj de sjei-ing plaats van het aod-
broeëdspar. Daonao in optocht nao
zaal „de Linjeboum”, hiej volgtj om veer oor nao
de middig, de trouwerie plaats.

As ambtenieër van de burgelikke standj:
Hay Klaessen.

Nao de trouwpertie gelaegenheid om hendjes te
gaeve aan het broeëdspar.

Meziëk door het orkest „De Galanta's” vêu jonk
en aod gelaegenheid om te dansen.

Vrij entree, auch dit jaor weer onger het gezêgdje:

GAER DAO ZEEN!!!

PROGRAMMA 1987

vêur dees daag:

ZONDAG 1 maart:

- 14.00 uur: Opstelling van de Optocht op het Spuitjesdomplein - Kermisplein.
- 14.15 uur: Machtsoverdracht van het Gemeentebestuur aan Vorst Kwiebus 1987 over het Kwiebusriek. Proclamatie van Vorst Kwiebus 1987. Tevens machtsoverdracht aan de Jeugd-Vorst.
- 14.30 uur: Vertrek optocht. Route is als volgt: Kermisplein - Engelmanstraat via Hotel De Lindeboom - Napoleonsweg - Steeg. Ontbinding van de optocht op het Kermisplein. De bestuurders van de wagens en de groepen worden verzocht de afgesproken afstand aan te houden om grote gaten in de optocht te voorkomen.
Jury aan Bierbrouwerij De Lindeboom. In zaal Timmermans zal de prijsuitreiking plaatsvinden voor de oudere en voor de jeugd vindt de prijsuitreiking plaats direkt na de optocht in het Parochiehuis. De Jeugdprijzen worden uitgereikt door de Jeugdvorst en Jeugdbestuur.
- plm. 20.00 uur: Vertrek van Vorst en zijn gevolg vanaf Hotel de Lindeboom met de Vorstelijke Kapel per bus naar de café's buiten het centrum.

MAANDAG 2 maart:

- 12.00-16.00 uur: Matinee in zaal Timmermans aan de Kerk.
- 20.00 uur: Bezoek door Vorst en gevolg met de Vorstelijke kapel aan de Jeugdvorst en Raad van Elf in het Parochiehuis, waarna bezoek aan diverse café's in het centrum.

DINSDAG 3 maart:

- 20.00 uur: Bezoek door Vorst en gevolg met de Vorstelijke kapel naar de diverse café's in het centrum.
- plm. 24.00 uur: Bijeenkomst aan de Kwiebustempel voor alle belangstellenden voor 't Kwiebus verbranden (Afsluiting van Carnaval 1987).
- 01.00 uur: Verbranding van de Kwiebus op de parkeerplaats bij Café Joosten.
- De Residentie van Vorst Kwiebus 1987 is voor dit jaar in Café Joosten. Plaats van samenkomst en vertrek van de Vorst en zijn gevolg voor bezoek aan de diverse evenementen die tijdens de Carnavalsdagen plaats vinden.

KWIEBUS-TEMPEL

Café Joosten

mit de Vastelaovesdaag.....
't trefpuntj van de Kwiebusse.

De Vorst, Adjudant, Raod van Elf en Besjuur
kome dao edere daag weer bie j ein.

Dao veultj men zich wiej altied.....
„Ein onger ein.....”!!!!



NAER



Verklêdj Matinee Carnavalsmaondig
van 12 toet 4 oor, in zaal Timmermans.



CARNAVALT NIET VER VAN DE BOOM



GROTE BIEREN

VAN EEN BESCHEIDEN BROUWER

Ode aan de aod Vorsten van het Kwiebusriek..

Es asgoonsdig al liktj oppe loer
Nao drie daag van lol en plezeer
den is 't altied weer eine hiële toer
Om as Vorst op te haoje edere keer.

De Carnaval waas weer aeve sjoon
Het is ein iër om in Naer Vorst te zeen
't Sjoënste is, det ederein mét kan doon
Met jonk en aod, erm en riek òm òs heen.

Mér es de waever klinktj is 't gedaon
Den weurdj 't stil in de straote
En es wae weer vêur ein noew jaor staon
Möt edere Vorst de troon weer verlaote.

Dét moment is den strak aangebraoke
Zien möts zal in anger henj kome
Vorst kwiebus is vanaaf den oetgespraoke
En haet zien plaats bij z'n vèurgengers ingenome.

Wae wille uch hiejbij oprecht bedanke
Naer haet van eur optraeje genaote
Terwiel wae loestere nao de léste Carnavalsklanke
Is eur tiedperk hiejbij dus aafgeslaote.

Wi.



1899. Vorst Kwiebus I (Hendrik Louiase)
„Veur plezeer, Eindracht en den Erme“

De Bòntje Storm:


Mòmbakkese en foekepût
zuus se in alle straote.
Dao zeen der vêul die hùbben ùt.;
de zûrg haet hêur verlaote.
Es aodwief, clown of sjùppenhieër
verkleije die zich kieër op kieër.
Ze kònnen ùt neet laote.


De kangeroe en Indiaan,
en eine vès mit graote,
sònger mankere gaon ze draan,
zeen vrolik, boete maote.
Die van kepel en harmonie
haoje ze neet gans op ein rie,
mer kònnen ùt neet laote.

De stieve dae weurtj noe gezwank,
de flauwe weurtj gezaote,
de stinkert luètj noe geine stank,
gein vechtendje seldaote.
De ganse waereldj oppe kop;
de kast, dao springtj noe geine op,
det zulle ze waal laote.

Naer „87“

HB





Koos van Verheyden kwaam ins laat van de repetitie aaf met veul beer op dao begoos Thea te spoeze och maedje zaet Koos ich weit hiel zeker det ich mier beer op hub as tich en ich spraek lang neet zo veul.

Wie de aoj sjutte van de zomer nao de Beekse Bergen gingen wo Luyten Sjeng aug in de kabelbaan, mer hae woej toch emes mét hubbe en hae vonj ein jong pul. dao weurdje aug ein foto van gemaaktj wie der zunjes bie de Klomp kwaom mos der ederein die foto laote kiekte.

Wie An die zoog zaet 't ich wo toch waal ins weite woe die euver gekaldj hubbe wie die inne kabelbaan zote.

Pestoer Janssen geit eder jaar mit op de Hubertjacht. s'Murges douter den ein mès in de Witte Kapel veur de goje aafloou, hünj, gewaere, drievers en jaegers kriege d i de zaegen. De daag kan neet mieër kepot.

Ruud de dokter blaef zo'n bietje bie pestoeër Janssen in de buurt want dae moet 'm massere as ter kremp kraeg mit euver en ongerdoor die tuun te kroepje.

Op ein gegaeve moment zaet Ruud, kiek dao hieër pestoer eine dooeje meeuw.

Woee zaet pestoer Janssen ich zeen der gein, nae zaet Ruud det kan auch neet as gae dae in de locht zeuktj

Rinus van Noblesse waas ens op eine nate zunjig-middig aant redenere met zien jonges euver de waerdje van eine guldje in het internationaal geldj verkeer.

Es ich det zo heur, zag Geert mil ich in 't vervolg mien sunjsgeldj in dollars hóbbe

Biej de greunteaafdeiling in de coöperatie ha Ton ein bord gezatj: eerst kopen - dan pas knijpen. Det van Jan van Hanse sjraef veur alle duideljkheid drönger: bedoeld is het zacht fruit.....

Wiel van Sanders zo zegge: aug songer det ich mich meug maak, blijftj de werreldj doordraeje

Midde in de waek kwaam ens eine jong bie pestoer Schmitz en zaet resoluut: Ich wil maondig getrouwdj zeen!

Hou, hou zag Schmitz, zo flot geit det noe auch weer neet.

Niks te hou, houwe, zag dae jong, ich begin maondig!

Geel van Geerlingske waas ens met ein kompanie in Pruses, veur ein paar daag. 'saoves veur det ze nao hoes gönge kocht ter zich naog ein fles jonge klaore, die d'r mét bracht veur Thea.

Eine pruus, dae in die cafe achter ein tas zwarte koffie get véttig zoot te loere, zag taegje Geel: wissen sie aug det jeder jaar 12000 pruse aan alkohol sterben?

Det kan mich niks bomme, zag Geel, ich ben Hollénjer.....

Ed en Har van Giel van Toon waore same aan ut voetballe. Giel ha al ein paar kier gezag van oet te sjeije, wie Har unne flinke lel onger de bal gaof. Ed boekdje zich en..... kepot waas de roet. Veur det Giel de kans kreeg om get te zeigje stamelde Har „Ed mot die roet betale want dae haet zich auch boektj”

Wie Pietje van Leunissen en Koos Verheyden mét aanhang van 't vorstebal aafkwoome smurges vreug zoogje ze bie Fien van Lemmen twee tentjes staon zaet Piet taegje Koos zooje die zich neet mier verstaon, wie zoe den zaet Koos, mer zaet Piet as die zich good verstonge haje die met ein tent toch aug genog.

Keub vanne Waever möst ens oppe keuring veur militaere deenst.

Hae wo persé aafgekeurdj weure. Wie der bie de keuringsarts versjaen stong d'r allein mér get gebare te make wie eine doufstomme.

Bés dich missjien stöm vroeg de dokter.

Jao dokter, zag Keub dreug en douf ouch.....

Vreuger wie der nog missie waas de aojere wete det nog good.

Toe praekdje die paters euver hemel, hél en duvel en det alle miense van Naer zondaars waore.

En omdet wae allemaol zondaars zeen baeje wae noe oppe kneen om vergiffenis.

Eine miens blaef achter inne kerk staon en knieldje neet.

Die daar achter staat denkt die dat hij geen zondaar is. Jaowaal zaet Gieze Woutje mer ich ben van Nunhem.

Juffrouw Thommassen haaj de kinjer oet gelag wat eine vrek eigelik waas.

Wie ze dacht det de wichter det wal begraepe haje zaet ze; maak nu eens een zin met vrek er in.

Nao ein paar minute vroeg ze wie heeft de zin af. Ich zaet de aodste van Huub van Teng.

Laat dan maar eens horen.

Ik verrek van de honger leustj dae van Huub kranig veur.

Det van Jos van Zegers Tjeu kumtj ens aan thoes en vreugtj: Pap doezend gölje is det veul geldj? Det liktj ter gans aan, zag Jos, of ich ze möt verdene of det dien man ze oetgeuftj.

Waat neet geit, det kruuptj, zo Pietje Strous zegge.

Fenny van Sjaak Heldens waas aan 't kaoke. Sjaak auch al zonne loer inne pot huftj de deksel op en zoot dao ein roeps zitte.

Fenny hubs doe det moos auch gewassedao zit nog ein roeps in.

Mer zaet Fenny ich hub noets geweite det roepse auch gewasse motte weure.

Hubt gae al geheurdj det 't noew opgerichte dameskoor bij de geméndje ein verzeuk ingedeedj haet om die anger daag 't pandj van Kloet-Mina aaf te moge braeke, zaet Math vanne Knip oppe vergadering van de Bussesjutte.

Jao zaet Wim van Peulen det hub ich toevallig bij de mededelingen op de agenda staon.

Die vraoge os veur met te helpe wae haje zoveul ervaring mit kloeëster van binnekantj te slope, mindje ze.

Mer ich ving det motte ze mer mit Har van Geelen bespraeke dae wétj wie wae det werk aafgeleverdj hubbe.

Wie dae brilleman oet Hëlje deze zomer met det böske aan de coöperatie stöng, vroeg van de Heurik aan kapper van Dijk; zo dae auch brille veur 't huske höbbe??

Nao ein verjaordaagsfuif zag Lieske taeye Tunnis. Waat höbs ze weer eine onzin oetgekraomdj. Ich haop det nemes gemerktj haet desse neet zaat woors.

Vreuger ha ich altied de ouge vol traone es ich ooie mós sjoonmake, zag Leen van Sjaen.

De letste jaore höb ich dao gaar geine last mier van. Ich laot det Piet doen.....!

Bie Sjaak van Boone kwaam ens op eine nacht eine inbraeker. Sjaak sjrok wakker en wo om hulp rope.

De moel haoje, zag dae kaerel, ich zeuk geldj! Prima idee, zag Sjaak doodneuchter, wacht ein augenblik, den doon ich mich aan, den zeuk ich mét.....

Meister Sjeeppers waas in de sjool ens bezig met allerlei ongerwerpe te bespraeke. Opens zaet ter: weten jullie wel dat in de stad Napels meer dan een miljoen ratten leven?

Van achter oet de klas reep dae van Gielke van Sijben „Meester, hadden ze die niet beter kunnen doodslaan in plaats van ze te telle. . .”

Biej de drök bezochte nachtmis winsdje de pestoer ein Zalig Kerstfeest en prettige feestdaag. Toet ein deil, die de eerste tied neet mier de kerk bezeuke ha d'r auch könne zegge: eine prettige carnaval, eine zalige paose . . en ein fijn vakantie



Tunnes bés doe det! reep Lieske ens op ein nacht wie Tunnes in de klein eurkes thoes kwaam van ein receptie.

Weit ich neet, zag Tunnes, ich zal 't leecht ens aanknippe.

Jo vanne Smaed vreugtj ens op eine möрге aan Lieske det 't ierste op waas; Lieske waat veur waer höbbe wae vandaag?

Ich weit 't neet, zag Lieske, ich kan door de nevel gein waer zeen.....

Het is midde in de nacht det bie pestoer Janssen de telefoon gong.

Pestoer Jansse springtj oet zien béd en grieptj zich de telefoon. Veurdet ter get kös zegge zaet ein stum; Piet kon se oos direkt ein paar kratte beer bringe. Wae höbbe ein verjaordaagsfuif en wae verrékke van de dorst.

Pestoer Jansse zaet totaal verwouwereerdj; Loester, gae sprektj neet met Piet, mér met pestoer Jansse.

Dao-op zaet de stum weer: mer meneer pestoer, waat dootje gae dén zo laat bie Piet van Toon?

Nae, zag Sjeng van Philips, seer sniederfrits direkteur waas van de fanfaar, is 't met de Sint Servaasprocessie in Nunhem eet mier heit gewaes.....



Jan van Verkoele zoot ens aan Dieker te vésse. Wiel van Stoffels geit nao 'm toe en zaet: wets se auch des se hie allein mér moogs vésse met ein geldige véskaart?

Waat kal, zag Jan, ich höb altied gelierdj desse det met perikke mós doon!

Op eine kier waas ter eurges brandj en de sirene leet zich heure door de nacht.

Bie Piet van Roy waas lichtelik paniek.

Mien mook piet wakker en meuktj hem attent op det gejang.

Piet 't bed oet, duit zich aan en vreugtj noag half vol sloap: wo is miene helm?

Onder 't bed, zag Mien mer pas op det se neet slaps.....

Ein van de kloosterzusters die bie van Heugte woondje kwaam ens op 't postkantoor. Ze waas in burger gekleidj.

Breukers vroeg hiël verzichtig achter 't loket: draagtj gae auch al gei habijt mier?

Allein bie protestdemonstraties, zag 't zusterke bedeest.

Met moederdaag zag Door smörges taege van de Heurik: vandaag zöls se mich wal de koffie aan bed bringe?

Dré, auch neet mis, gong later nao baove en goof hem ein gans pekske koffie.....

Waat de sex betreftj, zag Thei van Sjaen, taege Lies, zeen wae wal gans opein aafgestumdj, gisteraovendj haje wae allebei koppien.....

Dao weurdj wal ens bewaerdj det de meiste miense toet drie kier in heur laeve ein opvoeding kriege:

ten eerste: van de aojers

ten twiede: van de vrouw

en ten derde: van de kinjer

Det zitj dus wal good.

Op ein begraafplaats in de buurt haje ze de tarieven verheugdj. Vanwege de gestaege kosten van laevesongerhaod.....

Kaokles veur mannen

Op de leste les van eine kookkursus veur mannen van de vrouwenbondj waas ein gezellige biejeinkomst.

Ein van de leerlinge, 't minst verlaege, wo van de knappe lerares weite, wie aod ze waas

Raad mer ens, zag de juffrouw, 18 jaor, zag eine.

Ze sjódde met de kop. 20 jaor reep eine angere.

Weer sjódde ze met de kop. Toe reep emes 25

jaor! Oet de achterste bank reep d'r eine „verkochtj”

Henk van de Sloes zaat mit Wim van Houben te spraeke bij Hilda aan het buffet.

En wie later oppe aovendj wie sjoender de kal. Op 't lést weurdje ze nog al intiem en vreugtj Henk aan Wim, ich hüb blaore aanne veuts wets toe neet wie ich dao vanaaf kan kome.

Nae zaet Wim ich kan dich waal aolie en bensien verkoupe mer dokter spele det kan ich nog neet. Ich hub waal ins heure zegge de veut kaoke in appelemoos en anges wachte toet den herfst den valle ze der van eiges vanaaf.

Wie v.d. Klomp mos de voetbalpoel nog invulle en reuptj der op An. Welke daag en de wieveulste hubbe wae vandaag.

Kiek mer in de gezet die lik inne kamer oppe taofel.

Dao hub ich niks aan zaet Wie die is van gister.

Bij Piërre van Keunke waas ein familiefiest en Nel ging nao Har van Sjaen om braodworst, die is nog altied hertelik en dao konse tenminste door 't vel kieke waat ter inverwerktj is dacht Nel.

Bie Har de winkel binnen en zaet Har waat zo 't moge zeen.

Doot mich met eine maeter braodwordt ich wil die van os ins verrasse zaet Nel.

Det vinj ich sjoen zaet Har, mer ich verkoup de worst allein mer per kilo.

Nel toch wal enigzins teleurgesteld zaet toe ja den doot mich mer eine kilomaeter worst.

De dokter vroeg aan Liesbeth van Piet van Toon, wie ut op ongerzeuk ging of 't in verwachting waas. Bés dich eine këttingrouker.

Nae zaet Liesbeth, wie kooomtj gae dao bie hub ich den te vèul ieser in 't blood.

Nae, dokter maakt uch mer neet ongerustj ich rouk mer allein sigrette.

De meister haaj taegae dae aodste van Koos Verheyden gezag det 't hieël good waas, det zien aojers hem eine ensklopedie kochten.

Dae jong vertélde det 'smiddigs aan zien mooder, die wos eigelik neet wo de jong 't euver haaj.

Toe zaet Thea taegae det menke zék mer taegae de meister det ich det vanaovendj mit pap bekal.

's-Aoves verteldje Thea det taegae Koos en zaet al drek, waat hubbe ze allewiel toch komplementen aan die sjooële. Dae kan toch good met de fiets gaon.

In ein blaedje stong ens: te koop aangeboden avondjurk, nooit gedragen. Ook te ruilen tegen spijkerbroek.....



Slechter Daamen vroeg ens aan Rinus van Nobles: met welke vrouwluuj höbs dich 't leefs te doon: die veul kalle of die angere?

Waat veur angere, zag Rinus.

Meister v.d. Elzen vroeg aan de kinjer in de biologie les. Wie kan een dier opnoemen wat vanachter even goed kan zien als van voren.

Nemes wist 't toe vroeg de meister aan det maedje van Bergs, hae dacht det is bij de Ponyclub en is zodoende daag en nacht, zunjig of werdig mit bieëste doondje.

Mer auch mos 't antwoordj sjuldig blieve.

Dan zal ich het zelf maar zegge zag meister v.d. Elzen een blind paard, maar dat moet ik eerlijk toegeven dat heb ik van mijn schoonvader geleerd.

Sjaak van Boonen stong aan het loket op 't postkantoer 't waas veur Kerstmis en hae wooë get geldj euver make nao zien familie in Nieuw Zeeland.

50 pond per man. Hoeveul is det omgeraekend. 25 kilo zaet Breukers hieël zakelik.

Kanters kwaam hiel laat thoes van 't kantoer en Ria zien vrouw zaag detter toch meug droet zoog en haaj kompassie mit hem en vreugtj is ter get op het werk gebeurd.

Jao zaet Kanters, de computer waas kapot en noew hub ich zelf motte dinke.

In dae tied dét lang haor naog in de mode waas kwaam ens eine nozem bie kapper van Dijk in de zaak.

Waat zal 't zeen, vroeg Pierre knippe of aolie verversen?

Kanters dae die graafstein oppe kerkhaof plaatst heurdje wae zegge wie d'r met de zaoveulste stein bezig waas: hoe meer zielen hoe meer vreugde, voor ons

Volges Pietje van Sijben haoje neet allein blome, mer auch bloemiste van miense.

Lei vanne Boks vroeg aan Tumke wiej der oet sjoel kwaam hubse auch veul gelierdj vandaag. Neet veul, in eder geval neet genog, want ich mot murge week truuk kome.

Eine dae vroeg ens aan Martien van Claesse: wets dich auch 't versjil tösse eine sjoëlmeister en eine tandarts?

Det weit ich, zag Martien, eine sjoëlmeister zaet: mondj toe en eine tandarts: mondj aope!

Rinus en Mientje gonge ens nao ein veurstelling wo eine goochelaar optroo.


Dames en heren, zag dae kael, wie wil er op het toneel komen? Ik leg dan een doek over U heen en U verdwijnt spoorloos.

Rinus kaek Mientje aan en zag: gank doa mér.

Mien sjoëenste ougeblikke, zag Har van Caris, höb ich aan 't beugele te danke.

Geisse dao den zo dök nao toe? vroeg Pietje van Sijben.

Nae, mien vrouw, zag Har.



Tjeu van Claesse-Sef kwaam ens met de fiets van de repetitie aaf sönger leecht.

Ein van die pelitiemen - de naam is oos neet bekendj - heel 'm op 't Kepélveldj aan en zaet:

Es 't leechtj 't neet duit, moogtj gae neet rieje, mér den motj gae te voet gaon.

Höb ich gedaon, men toe dee 't leecht 't aug neet zag Tjeu dreug weg.

Dae miens van mich, zag Nelke van Puts, dae is zo good es goud mer aaf en toe weit ich neet waat ich aan 'm höb.

Wiezo denne? wo Truike van de Körver weite.

Gisteraovendj, zag Nelke, heurdje ich 'm zegge: ich wo det ich dich neet mier zaag. En wetse waat ter dee? Hae draeidje 't leecht oet.....

Waasse mich zaes, zag Truike.

Nae, zag Harie van Deur, ich hoof neet te zwumme in 't geldj, mér toet aan de inkele drin staon, det is gemaekelik.....

Dao vroeg ter ens eine aan Frits van Hebbe: Wanneer zeen volges dich kinjer eigelik volwassen?

Ich dacht, zag Hebbe, op 't moment det ze neet mier vraoge wo ze vanaaf kome en ze pap en mam neet mier zegge wo ze haer gaon.....

Dokter Ruud zag ens taeghe eine patient: en dink draan; edere daag eine appel aete in plaats van eine borrel!

Mer dokter, zag dae miens, ich kan toch neet edere daag zo'n dertig appele aete.....

Wiel van Stoffels zag ens; wie ich naog jonk waas gong ich met mien moder as ich oetgong, altied ein weddensjap aan det ich zeker om 12 ore aan thoes waas.

En verder? wo Theike van Kaolepietje weite.

Hiel eenvoudig, zag Wiel, ich leet mien moder altied winne.....

An vanne Klomp wo zien figuur get aanpasse en begös aan ein vermageringskuur.

Drie kier in de waek gong het mét de hondj op de waegsjaol staon . . . en mer foetere op de hondj det dae weer bie gekome waas in gewicht.

Ein vriejendj paartje weurdje in de kwir ens gestjeurdj door dae jong van Margriet van Sloesdrees.

Ich gaef dich ein kwartje, zag de jong, es se ophoepels.

Ich gaef dich twee kwartjes zag Johan es ich maag blieve.

Marij Becks mos om kwart veur zeven beginne op 't ziekenhoes. Onger waeges kraeg 't pech aan de auto net vEUR de Maasbrük.

Goje raod waas deur, 't beldje aan bije de Genie dao deej eine van die ambtenaren aoep „Waarmee kan ik U van dienst zijn" vroeg ter hieël belaeftj.

Ich hub pech aan de wagen en ich mot om kwart veur zeven beginne op 't ziekenhoes, mit 4 man duudje ze hem aan.

's-Angerdaags ging Marij ze ein vlaai bringe en ze bedanke.

Als je morgen weer pech hebt mag je zeker weer aanbellen zagte die mannen.

Mieske kwaam inne smids bije Har van Becks ein stuk iezer haole veur Terstappen.

Det mos zo get eine maeter lank zeen. Har nao veul kalle aan 't maete, mer in éns luptj ter weg. Wooë geis dich haer zaet Mieske help mich ierst want ich möt gaon ich ben al veul te lang hiej gewaes.

Nae zeet Har ich mot direkt gaon zusse dai die roej lamp hange. Jao zaet Mies det zeen ich.

Nou zaet Har den mot ich snel gaon, want den reuptj mooder.

Jo van Vosse oet 't Veurtje haje ze de fiets gestaole.

Hae waas al versjillendje kieëre nao Heytse gegaenge nao 't plisieburo of der dao neet bije waas. Op eine gegaeve daag haaj der goje tied en dachter noe gaon ich nog ins nao Heitse kieke en den neem ich mich geweün de béste mit.

Nao get rondj gekaekte te hubbe zaet ter taegede agent dae bije hem waas, det is ter, hae dacht, det is eine goje nog zo good wiej noew.

De agent kiek Jo ens aan en zaet, dat kan niet heer Vossen want die is van mijn kollega.

Toe Mat van de Knip ins aan hoes kwaam nao 't opbouwe van de zaal veur de bontje aovindj leet hae zich drek inne stoel zakke en waas zo'n bitje aan 't slumere. Marjo haaj de televisie aan staon want det waas nao Sonja op maandag aan 't kieke.

Math wat wool der en kieke mer mit. Nao ein paar minute zater taegede Marjo: Marjo laot os mer nao bed gaon, ich bèn zoove meug gekaekte ich zeen wal 20 televisietoestellen.

Och waat ligge die geitjes toch te mekkere zaet Dams taegede Wies van Har van Becks is dao niks aan te doen.

Jao zeet Wies die motte bijevoeding hubbe, mer den haoje ze de mondj nog neet.



An van Pietje van Toon zo zégge: beer en water hóbbe ein dink gemein: mits met maote gedronke doon ze nemes kwaod

Ein glaas beer in wiesheid gedronke . . . is noot vergaefs gesjónke

Bije de advertenties van ein gezét stóng ens te laeze: te koop aangeboden een twee-persoons tent. Slechts een keer gebruikt. Ook te ruilen tegen kinderwagene.

Wim vanne Kuper zaet 's aoves taegede Toos, ich gaon ein stukste mit de hondj wanjele. Toe der ein paar hongerdj maeter geloupe ha kwaam der drachter detter waal de reem in de henj haaj mer geine hondj bije zich.

Ben van Sjaen laag mit de veut oppe taofel nao de televisie te kieke.

Op ein gegaeve moment reuptjer op Elly det inne keuke bezig waas; waat is ter toch doe liks hiej zoe te spektakele of det de werreldj in brandj steit.

Trék de televisie ins ein stukske op rechts aan zaet Ben want ich kiek taegede mien veut aan.

Toe Huub van Halfers Sjeng in 't ziekenhoes laag ging Wim van de Kuper van Gerhegge um opzeuke.

En Huub zaet Wim hubbe ze dich 't graas-baerke auch droet gehaoldj.

Jao zaet Huub en Wim al bliej want graze in de vereniging kan dae neet taegede.

En wie bevéljt dich det zaet Wim hieël belangstéllendj. Prima zaet Huub, want ze hubbe mich drek ein noew drin gezatte.

Toe Piet Leunissen en Tunnes van Sjaen nao aafloop van de repetitie bie Piet van Toon aan 't buffet stonge zaet Tunnes taegen Piet doe zuups wie ein koe. Jao mer zaet Piet ich werk aug wie ein paerd.

Jan van Boute kwaam ens laat aan thoes van ein receptie, lichtelijk aangesjaote.

Zien vrouw wachdje hem baove aan de trap op en vroeg snibbig: en heb je je nogal geamuseerd vanavond?

Tot noe toe waal, zag Jan bedeastj

Wie Sjang van Mina de aafgeloupe strenge wintjer met sjerpe Noord-Oostenwindj oete kerk aan thoes kwaam, zag ter taegen Greet: het is zó kaod desse de windj naog door de knoupsgater veuls

Jantje van de Slup gong ens met Elly nao eine dieretuin. Wie ze zo rondj wandeldjen kwame ze aan ein apekooi.

Opens paktj eine grote aap Elly vast en tréktj 'm door de tralies in de kooi.

Toet euvermaod van ramp begintj dae aap aan Elly zien klei-er te trékke.

In wanhoop reuptj Ellie: Jan, doot ens get!! Zék mér desse koppien höbs, zag Jan neuchter

Ein jonk maedje kwaam ens bie dokter Ruud op het spraekoor. Dokter, zag 't kindj, ich gaon de angere maondj trouwe mér ich veul niks veur kinjer. Waat veur eine raod kontj gae mich gaeve?

Den mös dich jus-oranje drinke, zag Ruud.

Woöp 't maedje heel argeloos vroeg: derveur of dernao?

In plaats van, zag Ruud pertinent.

De komendje verkezingen doon auch de Greune mit zaet Wim van Peule taegen zien vrouw.

Toe vreugtj Theo dae zoon van Wim. Pap eine greun waat is det.

Mer jungske zaet Wim eine Greune det is ter eine dae nog neet riep is veur in de raod of staote.

Dae aodste van Truus van Kapper van Dijk oppe Hammermolen mot nao 't postkantoer om postzegels. Hae zaet taegen Breukers ich haaj gaer 6 postzegels van 75 cent mer ich moog mich neet oet laote vraege.

Meister Scheepers waas de wichter inne klas aan 't vertélle wie de ierste miense oppe werrel dj kwaome. Toe zaet Danny van Pietje van Zeeg; meister det hütj gae 't veurig jaor auch al vertéldj, zéktj mer wie de derde miens oppe werrel dj kwaam dao hubbe wae veul mier aan.

Nelis zaet taegen Loek ziene zoon. Toe ich zoe aod waas as tich haaj nog nemes last van mich gehadj.

Den zaet gae eine prachtkael zaet Loek, want toet noe toe hüb ich auch nog noets last van uch gehadj.

Toe de dochter van Wiel van Stoffels naog ein wicht waas zoog 't zien vader in 't bad gaon.

Verwonjert kiekt 't kindj nao de haor op Wiel zien borst en reuptj nao zien mam:

Mam kom ens kieke. Bie pap kumtj de vulling droet.....

Jouri van May van Sjaen ha zich in de bibliotheek ein book gehaoldj.

Wie d'r aan thoes dao in aan 't laeze waas, kaek May terloups nao de titel van het book en zaag verwonjerd staon „wenken over de opvoeding van kinderen”

Snaoterkop, zag May, waat mös dich met zon book? Ich wil ens kieke, zag Jouri of ich wal good opgevoodj weur, mam.

Mien vrouw druimtj snachts altied det ze met eine miljonair getrouwdj is, zag Jan van Dorssers oet de Wintjerstraot.

Die van mich, zag Dree van Dirx, druimtj det euverdaag wal ooit.

Landzaat zijt achter 't buffet en nao de repetitie vanne Fanfaar zuut der det Harie van Pietjes 't glaas laeg haet en zaet taegen Harie; jouw glas is leeg, moet je een ander.

Wo-op Harie zaet waat mot ich mit 2 laeg glazer doon.



Har van Peulen haaj eine noewe wagen en dae haaj der al ein klein bietje apaart neergezatte naeve de kantj oppe pakeerplaats op 't sportterrein. Wie der nao de wedstrijd nao hoes ging zuut ter detter eine taege ziene wage steit te pisse. Har mit recht fien op ziene wage reuptj taege de jong duisse det auch taege die vader ziene wage nae zaet dae jong. Nae det is toch neet normaal nae zaet dae jong dao-op det is super.

Oppe katechismusles vroeg pestoer aan Roel van Sjaak van Driesse wiej dae nog klein waas, waat is godsdienst eigelik.

Volges oos pap is der ein verzekering taege brandj in het hiernamaals zaet Roel doednuchter.

Jo van Pouls waas bij Landzaat aan 't vertélle detter gedroumdj haaj detter 2 winse kos doen. Landzaat wo natuurlik ins oetvésse waat Jo zich nog zo winse, want dae haet toch ein laeve wie God in Frankrijk.

Wat waren jouw wensen Jo, vroeg Landzaat. Nou zaet Jo ein fles beer die noet laeg geit. Gelijk heb je Jo zag Landzaat maar dan zal ik je wel als klant kwijtraken.

Maar de 2e wens van jouw die wil ik dan ook nog wel eens horen. Ja zaet Jo 't zekere veur 't onzekere te neme gaef mich auch mer ein twiedje fles beer die noets lag geit.

Frits van Verheyen dae gepensioneerdje hierboer reep zien 3 zeuns wie ze 'n jaor of 18 waore bie zich om te weite te kome waat ze woje weure. Hae lag oppe taofel ein does sigare, eine borrel en ein briefke van 10 gulje neer.

Dao koste zien zeuns den oet keze. De aodste kwaam binne en paktje zich die 10 gulje.

Dae weurdj bankdirekteur, dach Frits. De 2de zoon kwaam binne en paktje zich de sigare, nou dach Frits dae weurdj zakenman. Wie de derde zoon binne kwaam dach Frits ich ben benuudj waat dae wiltj want det is nog al eine spitskop.

De derde zoon pakje zich ierst de sigaar, dronk de borrel oet en paktje zich auch nog de 10 gulje. Det haaj ich noet gedacht, det wae auch nog eine pestoer inne familie kraege zag Frits.

Sjeng van Sloes ging nao de dokter omdet hae neet mier zoe good kos zeen.

Waat mankeertj draan Sjeng zaet Ruud. Ja det zal ich uch pront vertelle; duk weurdj 't mich zoe wazig veur de auge en den zeen ich alles dubbel, zo ich misjien noe glazer motte hubbe. Nae zaet Ruud det hove gein noew glazer te weure, mer waal veul minder.



Wie Ton van Ietje nog oppe plem waas zaote ze dao mit ein paar man get te wazele.

De veurman haaj det ein tiedje aangezeen en ging toch ens kieke of die nog van plan waore get te doen.

Wie der bij heur kwaam zaet ter; hoeftj gae neet te wirke. Jao zaet Ton mer wae zeen noe aan 't euverligge, en die hübbe mich altied gezag ein good euverlik is 't halve werk en waat zoo wae os den de hiele daag meug make.

Hay van Rien kwaam 't veurig jaor vastelaovesmaondig om 3 oor aan thoes.

Rien reep van baove oet 't béd; bes doe det Hay en hubse dich good geamuseerd
Jao toet noe toe waal zaet Hay.

Bert van Ottenheim ging nao 't kirkhaof wirke. Wie der aan thoes wegging hong der ein briefke oppe deur veur ziene pap.

Ich ben nao 't Kirkhaof.
Wie Bert 'saoves truuk kwaam hong 't briefke der nog mer haaj der eine onger gesjraeve „Rust in Vrede”

Sjeng van Luyte zag ens taege Tone Hannes: doe köns zegge waas se wils, mer ich zeen naog altied gaer ein huups jonk maedje.

Bei, zag Hannes, det is ein gezöndj teike. Allein weit ich neet woveur zag Sjeng.

In de sjool vroeg meister Minten éns: wie van jullie weet de naam van een mannelijk varken? Jeroen van kapsalon Wies stéktj de vinger op en reep: ein stekelvarke meester!

Pietje van Strous zo zégge Laef en lach edere daag!

Eine van Alternatief Naer stong ens aan 't buffet bie de Klomp te bewaere: Ich protesteer taege de maatsjappie, die neet wiltj, waat ich wil!

Waat wilsse den? vroeg Har van Fritske van Bonedriek.

Niks, zag Har van Geene.....

Men kan gelökkig zeen as men smörges opsteit en 'saoves nao béd geit en dao tusse door duit wo men zin in haet, zo Joep van Sjoekooep zegge.

Ger van Buze Fried gong op jacht. Hae kwaam ieëre den verwachtj ihoes. Noewe menusie zaet zien vrouw.

Nae zaet Ger ein beetje dreuwig, eine nieuwe hondj.

Cor van Grit van Petran zag ens taege zien moeder: ich wil in de vakantie örges heen gaon wo ich lang neet gewaes ben.

Det konse hóbbe, zag Grit dreug, gank mer ens nao de kapper.

Ein gooi vrouw mot zeen es koffie pittig, donker en lekker heit, zo van de Heurik zegge

Bie de Boerebondj stong deze zomer ein bördje: alles veur de boer behalve raegen



De gemendje raad kumptj nao de Raodsvergadering bie Pietje van Toon en dao zitj auch de jagersvereniging vanwaege de St. Hubertusjacht. Dae hondj van Pietje blaef mer aan 't rondj loupe door de kaffee.

Tjuu zaet Wim van de Kuper dae hondj dae is nog niks meug dae haet nog gooj kondisie.

Jao zaet Piet, dae is neet kepot te kriege, ich wooë det ich dae ins meug zaag. En den te bedinke det eine hondj op ziene baas staaltj.

Toe Thei van Sjaen in deenst waas waren ze ins aan het masjeren liere mit 't peleton.

De sersjant reep steeds mer links, links, links enz. Toe det zoget ei keteer gedoordj haaj stikt Thei de henj omhoeëg want hae waas bek aaf.

Waat is ter zaet de sersjant taege Thei, moge wae noe auch ins 't rechterbein gebroeke.

Bie de zangvereniging weurdje onlangs 2 kandidaten aofgewaeze. Wie kan det zaet Lei van Pouls taege Wim van Peulen.

Ich weit 't neet zeker zaet Wim mer ich gluif det 't kandidaten waore die gein sjoon koste drage mit staole naze.

Waat mankeertj dich zaet Pierre van aan de Boom taege Ine van Harie van Steute op 't Raodhoes.

Ich hub miene voet omgeslage mit tennise zaet Ine. Den hubbe wae al weer geluk det 't neet mit wirke gebeurdj is zaet Pierre.

Oppe Durpsmert vreugt der eine van zonne antiekkraom mevrouw wiltj gae goodkoup eine slaopzak hubbe, dae is nog zo good wie noew. Nae zaet die vrouw hieël resoluut ich ben al 20 jaor mit zooë get getrouwdj.

Wie Leen van Verboeket pas getrouwdj waas en 'smurges aan de straot stong te kalle mit zien buurvrouw zaet die van meester van der Elzen hebth gae 't deze nachts heure hommele.

Nae zaet Leen wae sloope aan de achter kantj.

Oet de jambuurt kwaam der eine bie Pierre Claessen eins bloes koupe veur zien vrouw.

Welke maot mot 't zeen zaet Pierre kan niks gaeve zaet dae miens, welke kleur en elk model vreugtj Pierre weer hiel veurzichtig, kan niks gaeve, det is veur heur verjaordaag en det kumtj ze murge toch weer rule zaet dae miens hiel euvvertugendj

Vrouw zaet Jantje van Smeets taege Wilhelmiën, wae motte mens get mieër droetgaon want 't bankstel is aan 't versliete.



Veur edere kleine of groeëte kwiebus

Hûbbe wae gereidschap,
wirktûge en mechines.

Mechanisatiebedrijf
Op't Root b.v.

Napoleonswaeg - Naer

Of gae noe huidvleis, kerboet, gêt vêur soep
of vêur te braoje motj hubbe
Den mot gae op de Hoeëgstraot zeen
Bie Slegterie DAAMEN kontj gae alles koupe
toet eur snievleis toe.
Auch verzorgtj hae eur fondue en
barbecuevleis
en eur diepvries vult hae gaer en neet deûr
Hae haet ein groeëte sortering in det gerei.
Iste Kwaliteit en eder waek reklame.



JOS en NELLY winse uch allemaol eine
fijne karnaval en vêul plezeer.

Ens konne lege, ens konne lache en get
stomme kal.

Det bevêltj edere Kwiebus wal.
En dao bie ein lekker drengske of ein
glaeske beer.


Den kriegt gae 't juuste Naerse
Vastelaovesplezeer.
Gaotj dao veur nao

DE KLOMP

nao An en Lowie

Den hubt gae hieël zeker plezeer veur drie.

MAAK EEN AFSPRAAK



**KAPSALON
WIES**

STEEG 28 NEER

TEL: 04759 - 1327

WISTJ GAE...

Det...zwart werk waal te vinje is.. asse mer bliefs zeuke..?

Det...magere hein eine broor is van Albert..?

Det... 't tap-danse is oetgevônje door ein groët gezin.. mit mer ein W.C...?

Det...vêul slippers wêure gemaaktj van banane-sjale...?

Det...Japanse Robots bènnekôrt mit ein eige L.P. kome..?

Det...eine mummie eine ingemaakdje kêuning is..?

Det...Pieter Menté is los-gelaote waeges good gedraag...?


Det...de 80 jêurige aorlog is oet-gevôchte door bejêurdje..?

Det...(ver) gifte aantrekbaar zeen vanne belasting..?

Det...op vandaag vêul winkels wêure geaopendj mit braek-iezers en anger gerei..?

Det...ze in Belsj lang verhoeswages hōbbe... kōnne ze de tuinslang auch mit neme...?

Laot um mit die daag good gaon
 Mer laot fiets en brommer staon.
 Hubtj ge daonao pech.
 Gaotj den nao de Riekswaeg
 Dao vindj gae ein fietsezaak
 en dao is ter weer snel gemaaktj.



**Tweewielerbedrijf
 WINKELMOLEN-GEENEN**

Napoleonsweg 49a 6086 AB Neer - Tel. 4070

Veur al eur

Greunte - Fruit en

Zuivelprodukten



W. JANSSEN

Engelmanstraot - Naer



Sjoonhanjel
 Reparasië
 Veutverzorging



J. VAES-RUTTEN

Hübtj gae neudig
 Kunstmest, aoliestaok, kaole
 of viëvoor.
 Gae kont 't bij



**Sjra van
 Kaole Pietje**

haole
 't Weúrdj auch aan hoes bezorgdj
 En veur good greij sjiteit Sjra uch borg

Veur good gerei gaon wae nao



Bekkerie Peters

Engelmanstraot 36

vlaai-mik-breúdj
 taart-stokbroëd enz.
 De werme Bekker
 Baktj altied lekker.

Jao det is waar
 al 54 jaor
 zitj

Kapper van Dijk

mit de henj inne haor
 en hae steijt nog
 altied veúr uch klaor.



Mit dees daag motj gae uch zelf
 veugen.
 Mer door 't jaor voog ich veur
 uch.



**Voegersbedrijf SAELMANS
 Napoleonswaeg Naer**

Eine Hometrainer is veur tied
 en kilo's kwiet te rake
 dao kan men zich ens duchtig meug op make.
 Wae levere ze aaf biezunjer snel
 mit of zonger, achterlucht en bel
 Ein dink en det steit noeë al vast
 van taegeliggers hóbse geine last.

En waem zich noe ein servies wiltj schinke
 hoortj zich neet lang te bedinke.
 Want Joke en Liza allebei
 helpe uch aan good hoessgerei.

Zeen de krane of verwerming biezunjer slecht
 kontj gae auch daoveur bie os terecht
 Beltj efkes 1342, en Bert of Joep
 staon binne 't oor bije uch oppe stoep

Gebroektj gae geine zeiksjupper, wetstein of streek
 in eur laeve

hoof se dao neet alles om te gaeve.
 Auch mit 1500 maeter kuukedraod
 wis minnig-ein zich geine raod,
 Mer in 't sjerpe en haare van ploogschaare
 is Jo neet te evenaare.

En veur waem der nog neet genög van haet
 dae kumptj mer ens kiekje bije

de Smaed

Jo, Joep, Bert, Liza en Joke



Mart van Triepels gong ens met zien zeunke nao eine dieretuin.

Op ein stök weilandj stonge ein paar volwasse aezels te kemmele. Pa, waat zeen die aan 't doon? vroeg 't menke. Die twee zeen get aan 't vrieje metein zag Mart.

Pap en gaon die ouch trouwe? Jao det zal wal, zag Mart weer.

Ein bietje wiejer wore twee nög heel jong aezal-kes auch met ein aan 't knömmele. Vreugtj 't menke: pap zeen die auch aan 't vrieje? En gaon die auch al trouwe?

Nae, zag Mart, det doon allein mer aoj aezels.

Stoffels ha ens de leste trein gemist en gong in ein veuraanstaond hotel in Amsterdam binne.

Kan ich hiej ein bed kriege? vroeg ter aan de balie.

Zeker meneer, zag de receptionist. Dat is dan f 120,—.

Man, zag Stoffels, ich wil 't neet koupe, ich wil d'r allein mer in sloope veur ein nacht.

Jaore gelaeye waas Jantje van Slechterwiel met Neer van Dorssers in ein hoes doondje met tegels plékke in ein badkamer.

Onger det werk leet jantje d'r eine vlege euver de zök. En neet zo'n kleintje.

Om de situatie te redde zaet Jantje: ich weit 't neet Neer, mér ich gluif det ich de höndj ruuk.

Harie van Pietjes geit regelmaotig zwumme in Haele, det is algemeen bekendj.

Op eine keer kwaam der thoes en zag: ich höb vandaag zo motte lache met die vrouwluuj wie die te kier gonge in det bad det ich ter ein nate zwumböks van euver heel.....

Biej ein anger gelaegenheid vroeg ens ein vrouw van 't Haelesbrook aan Harie: Har dörf dich auch aan de baom te veule ??

Aan dae van mich waal, zag Harie heel dreug weg.

Dáe van beeste heltj

Beeste höbbe as regel dit veur op de miens: det ze het leid det aankumtj neet kénne en det ze neet weite waat euver heur weurdj rondverteldj

Crit Bertjes en Jan Verkoelen zeen zooë aan 't kalle en zo doondje kwaome ze auch euver heur eige vrouwluuj aan 't kalle.

En men wetj good wie det geit de eine méntj detter nog eine baeter vrouw haet as de anger. Ich hub ein hiel gooj vrouw die wetj alles zaet Crit.

En mien vrouw, ich hoof gein anger die wetj nog alles baeter as ich zag Jan van Verkoelen.



In ein anger advertentie stöng te laeze:

Wie wil mijn vrouw van 75 ruilen voor drie van 25 jaar.

Vrouwluuj zeen net es auto's, leet Piet van Zegerstjeu zich ens ontvalle.

Wiezo dén? vroeg Harie van Pietjes noewssjerig Bei, zag Piet, ze zeen deur, gauw besjadigd en aafremme en besture kan men ze bienao neet.

Wie aojer ze weure, wie mieër herrië ze make, de reparaties neme toe, en helpe steeds minder en es se ze kwiet wils, wiltj nemes ze mier höbbe.....

Wie Henk van Tunnes gong trouwe waas zien maedje ein bietje zenuwechtig

Lieske zoog det en zag vol midlei: knieps se 'm al?

Aaf en toe es 't duuster is, zag Marcel.

Op eine daag zitj Tjeu van de aoje köster zich ens in ein van die steul die aan de winkel van Joep van Reyne stöng

Joke rentj nao boete en vreugtj: Tjeu, mankeertj dich get?

Jao, zag Tjeu, ein fles beer en ein gooi sigaar . . . leefs La Paz.

Meister Kirkels ha geprobeerdj om zien leerlinge de slechte gevolgen van het drankmisbroek oet te ligge.

En hoe noeme ze een man die de hele dag in de kroeg zit?

Een kastelein meester, zag Jourie van May van Sjaen.



Mien oma zaet Peter van Bosma leustj nog de gezet op 4 maeter aafstandj.
 Waat zal ze den lang erm motte hubbe zaet die van Bongers.

Sjeng van Enkes zag ens taege Too: hōbse det auch bie de noetsberichte geheurdj?
 De Russen zeen op de maon gelandj. Wo-op Too opgeluchtj zag: allemaol ?

Baer van Cox kwaam 't veurig jaor op vastelaoves-maondig nao 't matinee bij May van Sjaen binne.
 Toe vreugtj ter aan May ben ich gisteraovendj hiej gewaestj.
 Jao zaet May, met waat hub ich den vertaerdj vreugtj Baer.
 Mit mien tēlle f 42,— zaet May.
 Gelukkig zaet Baer ich dach det ich ze verlaore waas.

Grit van Petran mindje det 't toch get aan de lien mos gaon doon.
 Het ging nao Ruud haer en zaet dokter ich wil toch get aan mien kilo's doon hubtj gae dao get veur.
 Ruud ging nao de apotheek haer en bracht Grit eine ganse zak pille mit.
 Bei zaet Grit det zeen der nog al get, jao zaet Ruud ein klein 500 stuks.
 Wannier mot ich die den inneme vreugtj Grit al hiel benauwdj:
 Die hoofse neet in te neme die mosse drie maol daagse geweun oppe grondj laote valle en den ein veur ein oprape.

Wie Truike van Simons deze zomer in Lourdes waas en in 't hotel aankwaam zag de piccolo: es gae wiltj kōntj gae ein kamer kriege met stroumendj water.

Dacht gae det ich eine snook ben? waas Truike zien commentaar.

Mevr. Steyvers kwaam ens bie de coöperatie. Taege Ton, dae heur opvong, zaet ze: ik had graag een stukje kaas.

Ton direkt actief: vreugtj: wat moet het zijn: jonge, belegen of oude kaas?

Ik zou het zo niet weten, zag mevr. Steyvers. Mag ik misschien de verschillende soorten proeven?

Naodet ze van alles get gepreuftj haet zag ze: het moet de jonge zijn.

Ton grieptj zich 't kiesmets en vreugtj: hoeveel moet 't zijn mevrouw?

Geef maar een klein brokje, zag 't miens. het is voor de muizenval.

Breukers de post kwaam ens bie dokter Storke op consult.

Dokter, zag Breukers, as ich smörges opstaon veul ich mich raar inne boek, wiebelig oppe bein en lichtelik dol inne kop.

Zogauw es ich ein keteer op ben is 't weer gedaon. Waat is dao taege te doon?

Geweun ein keteer later opstaon, zag Ton.

Twieë knappe maedjes gove zich bie het stopleecht aan de Heljesewaeg ein kōsmoel.
 Albert van Hille dae dao auch met de traktor stōng te wachte bekaek zicg det en zag: det is noe de ellenj in dees wereldj det vrouwluuj mannewerk gaon doon.....

Koos van Crispian vroeg ens ein maedje om ens same ein ritje met ziene auto te make.

Nao ein tiedje zaet 't maedje kōns dich auch met ein handj sture?

Ja good, zag Koos gewillig.

Vaeg dich dēn dien snaoternaes mer ens aaf.

Jantje van Hanze en van de Heurik zote ens in ein nachtclub nao ein zangeres te loestere.

Nou, nou, zag den eine taege de angere. Die haet ein hiel repertoire, merkdje van de Heurik op.

Och zag Jantje, des heur eige sjuldj, den mot ze zich mer eine bustehaojer aan doon.

Serv. van Dré gong ens nao dokter Storke op consult. Het klaagdje zich op ein raar saort pien.

Wo hōb gae die pien 't ierst geveuldj, wo Storke weite.

Pront weit ich 't neet mier, zag Serv, mēr 't waas in de buurt van Ulensvaaren.

Vêur de baetere muibele
 Klassieke Bankstêlle
 Moderne Zit- Ligmuibele
 Kwaliteit door „aojerwêtse degelikheid”

Ind. Hanjelsongerneming

P EETERS B.V.

v.h. Gebr. Peeter Clubmeubel en
 Matrassenfabriek B.V.
 Soerendonck 5 6086 BW Naer - Tel. 3400



WILTJ GAE ÉNS GOOD
 PROFITERE ?

blieftj den de

COÖPERATIE

preferere !!!!



Wiltj gae get goods op gebied van bouwe?
 Gaotj der den zelf neet aan bouwe, mer
 gaotj drék nao eine vakbekwaome man.
 Dae det veur uch make kan.

AANNEMERSBEDRIJF

DORSSERS B.V.

Bergerstraat 25 , Naer - Tel. 04759-1370



Tevens verhuur van:

Compressors compleet mit alle biebbeurende app.
 oet vêuerraad (desnaods mit bedeening)
 Auch alle saorte aannemersmaterialen.

DISCO-DANCING

Neer **SILVRANTS** Neer

Vriedig 27 fibberwarie a.s.
 „RIO IN NAER”

Zuid-Amerikaans Carnavalsbal mit
 optraeje van Damesdansgroep
 „FITSKY DANCERS”
 (prieze vêuur de origineelste verklédje)

Zaoterdig 28 fibberwarie a.s.
 t/m deesdig 3 mieërt

CARNAVALSBAL

zundjig 1 mieërt vanaaf nao de optocht

PLEZERIGE
 VASTELAOVINDJ



Veûr al eur fieëste nao
Café-Zaal-Beûgelbaan
en Drankenhanjel



P. Timmermans

Naer




**HENDRIX
BROEDERIJ B.V.**

Voor al Uw kuikens

Wae winse uch plezerige vastelaovesdaag



TAXI
GLIJSTERS
NEER



TEL. 04759

1233

Alles waat ge hubtj te bouwen
Kontj gae os toe vertrouwen
is ut van hout - stein of staol.
Wae make 't uch allemaol.
Allein mit carnaval zeen we 2 daag toe,
daonao beginne wae weer opnoew.



GE **BOUWBEDRIJF**
GEBR. GEELLEN B.V.

Engelmanstraot 49 - Naer

Es gae den auto ins te gooj raaktj
Weurdj dae bie ós te gooj gemaaktj
Hubtj gae mankemente
Den kouptj ge bie os óngerdeile veur neet veul cente
Zeuktj gae get te knomme!e
Kom den bie os 'ns rommele
Biej os kintj gae van alles koupe
Gaotj toch neet nao eine angere loupe
Haotj 't in eige tent
Den zeetj gae altiéd weer kontent!



JAN VAN SMAEDS DRIES NAER

VEUR NIKS, dét kan neet.
Mer waal veur eine sjappelijke pries
kouptj gae eure
RADIO · TELEVISIE · KEULKAST
DIEPVRIEZER bie j

LUIJTEN
ELECTRO



STEEG 38

Auch veûr reparaties.

Wae winse uch plezerige vastelaovesdaag

Krebbelkes oet 't laeve gegraepe.

Wie voller de beurs, wie laeger het laeve.....

Achter edere berg liktj weer ein dal.....

Wantroeuwe is ein biel aan de boum der leefdje..

Ein good begin geuftj mood en zin.....

De zön sjientj aevegood op aafval es op goud.....

Gelök is gét höbbe wo se van hêls.....

Oze Lieve Heer sjriefftj recht op kröme liene.....

Fluitende meisjes en brullende koeien zijn zelden goeije.....

D'r kumptj neet mier oet de kroek dan d'r in zitj

Es jong maedjefs fluite janken de ingelkes.....

Succes bedéktj minnige flater

Wie later, wie minder neuchter

Waat zéktj d'r hie van ?

Dao zeen miense die met de radio opstaon en met de televisie nao béd gaon.....

Ein volmaaktj huwelijk besteit neet omdét ter gein volmaakte miense zeen.....

Op sommige tieje in oos laeve is loestere belangrieker dan kalle.....

aordeil ierst euver eine medemiens naodet se twie waeke in zien sjoon geloupe höbs.....

Men kan neet alles in eine kier doon, mér men kan waal alles in eine kier laote.....

Niks meuktj ein vrouw mier giftig dan eine man dae neet wiltj weite det ze het is.....

Es 't neet kan wie 't möt, möt 't mér zo-es 't kan.

Van het heure zégge . . . wurdj veul gelaoge . . .

Waem bang is veur pien . . . möt aan leefdje neet beginne . . .





Hôndsj-strôntj.

Wae weite waal, 't is groëte troep
 Al dae strondj, op paad of stoep
 Waat liktj det goedje toch te stinke.
 Woë wae tösse-door môtte hinke.
 Hae liktj te dôn in 't voot-bereik,
 Daovan kriegse toch det rot gezeik.
 't enigste middel, al steit 't stom,
 Men duit ziene hândj eine luier òm.

De èlf-staeje-tocht.

Huub Brouns wètj daovan te spraeke,
 Dae haet zich dae tocht té-go bekaeke.
 Mit sjeif sjaatse dee der mit
 mit sjuunse stre-ke de ganse rit.
 Zoè trok dae grapjas ein nette baan
 stuurdje ies kaod op ein "kruutspuntj" aan
 En nao get klu-ne en get kratse..
 Kwaam der oet in Malle-fratse.

Lache is gezöndj . . .

Emes dae neet gelache haet, haet neet gelaefdj. En
 dae neet gejanktj haet auch neet

Lache is ein probaat kalmeringsmiddel songer
 bie-effekte

Prebeer edere daag tenminste eine kier emes
 hertelijk te laote lache

Eine daag neet gelache is eine daag neet gelaefdj.

Glimlache is de béste meneer om zien ténj te laote
 zeen

Det 't gekke der van is, det ter miense môtte zeen
 die angere miense aan het lache môtte make

Om zich gelökkig te veule môt men doon waat men
 wiltj en gedaon höbbe waat men môt en daobie
 lache

Het geit ter neet òm det men lang, mér waaldet men
 lang gelökkig kan laeve

De meiste miense aete genög, drinke voldoondje en
 weite op tied te wauwele euver alles en naog get..
 mér d'r weurdj te weinig gelache es 't draan zitj.

Men môt bedinke det: waat lache is veur de geist
 is slaope veur het lichaam

Vastenaovendj of neet, het is good om 't maske zo
 noe en dén aaf te zétte òm zo òm dichzelf ens
 hertelik te lache

Kort en krechtig, mér waor

De deur van het gelök geit neet van binne, mér nao
 boete aope . . .

Waem het plezeer achternao löpt, verluustj het
 gelök

De kunst van het laeve is aanthoes te zeen, as of
 men op reis is

Es de hemel betrokke is, môt het good humeur de
 zön vervange

Ein laeg beurs kan meujlik recht-op staon

Mit dees daag mötj gae 't zelf mer regele
Mer hübtj gae get te betegele
Koomtj den mer ens kalle
den kome wae wal klaor
En van good werk zeetj gae verzekertj
det is zeker waor.

LOET BOONEN

TEGELZETTERSBEDRIEF

Napoleonswaeg 83

Naer



Veur
Broedsboeketten, kamerplantje
bloomstükke en anger blomgerei
en aug veur leuke kado's
BLOEMISTERIE

PIET SIJBEN

v.d. Baandj



Veur al 't smeejwerk- konstruksie-
waterleiding- zinke geute.
Electrisch en autogeen lasse.
Ouch al 't gerei en gereidsjap.

GEBR. BECKS

verwarmingsinstallateur

Engelmanstraat



Drogisterij - Parfumerie
Baby-artikelen
Verf - Behang
Fotoartikelen

SIMONS

Steeg 40 - Naer- Tel. 1391



Veûr al eur transporten

nao

Kuypers Neer B.V.

Esdoornstraat 4
6086 C.V. Naer.

Wètj gae woë ge dees daag aan motj dinke ?
Om uch bie j WANT of MIEN èns 'n glaeske
te gaon drinke !

★ Want den kriegtj gae in de gater
Det dae drank verkuiptj en gein water !

Café SILVRANTS - RAS NAER

CAMPING "DE WATERVAL"

van "Deutsche klatsch" toet
Naerse kal.
allemaol eine plezerige carnaval.



Wae winse Uch allemaol
eine plezerige vastelaovendj

Friture „'t Smikkeltje"



maandag geopend

Klaas en Marianne



Loeënbedrijf

Gebr. Peeters

Molenstraat 60 KESSEL en

Heljesewaeg Naer

Winsjt ederein eine

plezerige

vastelaovendj !



Al 't vêurkomendje stukadoorswerk

Make wae uch vakkundig en sterk

Stukadoorsbedrief GEBR. THOMMASSEN

Naer

Höbtj gae planne om te bouwe of te verbouwe,
Dink den êns aan aluminium rame en deure
in die gebouwe.

Wae veredele en kleure die sjpulle
van licht bróns toet ravezjwart
En de vèrbórstel kumtj der bie dees rame
neet mieër aan te pas!

ALUCOL b.v.

Soerendonck 3 Postbus 4403 6086 ZG Neer

winstj uch eine plezeerige vastelaovendj!!

G Geelen's Aannemingsbedrijf Neer bv

Napoleonsweg 60
6086 AH Neer
Telefoon 04759/1583

FLEXA Flexa verf,
h heel ander gezicht.



VEUR AL EUR

Schiljerswerk

SCHILJERSBEDRIEF

JAN HENDRIKX

Napoleonswaeg - Naer

Wae make eur kapsels en krulkes nao eige smaak
Kwiebusse en Kwiebussinne laot hem noe mer gaon.
Nao die daag staon wae weer veúr uch klaar.
Auch veúr sjminkgerei kóntj gae bije ós terecht.

DAMES- en HEREN KAPSALON

Maison „Gerty”
Bergerstraat 9 - Tel. 1613



Plezeerige
Carnavalsdaag



FIAT. UNIEK IN PRIJS EN PRESTATIE. **FIAT**

FIAT

CORTENBACH

NAER - Tel. 04759-1478

Het adres veur eine noewe of gebroekdje auto,
reparaties, oetdeuke en spuite.



Ein stökske revue

In 't Belzje Voere spraeke ze twieë tale.
Dae woëne den auch Vlaminge en Wale,
Mer mit de Naerse raods-verkezinge,
Toen de kandidate de straot op ginge,
Huërdje men niks as de Hollendjse taal.
Det is get woë ich noe naog van baal.
En waat kwaakdje ze toch helle.
Det ging dich door 't trömmel-velle.

Men möt oppasse:

Veur ongemeindje komplementen. Die möt men net es parfum inaome en veural neet doorslikke . . .

Det men met emes trouwdj dae good is in het opknappe van allerlei karweitjes. Dén kriegtj gae noot get noews

Veur ál te lekker aete det smiltj in de möndj. Het weurdj later geveuldj in de maag

Veur miense die dich veur de verkezing vrintjelijk gooie daag zégge en daonao doon of se löcht veur heur bés

Veur miense die dich mét ein handj toewuive en met de anger handj ein voest in de tes make

Veur miense die zo lui zeen det, es se met veul mote d'r in slage heut lamlendigheid te euverwinne, te meug zeen om aan het werk te gaon

Veur miense die profiteere van angere die ein rundje gaeve in de cafe en zelf de beurs „vergaete” höbbe

Veur det saort miense die eueveral of nörges om lache

Men möt, ondanks alles, blij zeen:

Det ter naog miense zeen die tied veur dich vriej make, auch al höbbe ze eigelik geine tied . . . zo-es de Zonnebloom en de Hulpdeenst beveurbeeldj ..

Det ter naog miense zeen die nao dich wille loestere as se alle mood höbs opgegaeve

Det ter naog miense zeen wo se dich naog kons oet-janke sönger des se dich dao-euver hoofs te sjame.

Det ter naog miense zeen die dich alle sterkte winse es se, door waat auch, in nood zits

Det ter naog miense zeen die s'aoes bie thoeskomst vraoge wie 't dae daag gegange haet mét dich

Det ter naog miense zeen wo men zich zelf kan zeen en bie waem se dich neet waor hoofs te make

Det ter naog miense zeen mét waem se mét ein geröst hert köns kalle, griene of plezeer make

Zön miense höbbe wae allemaol vreug of laat neudig.

Van alles en naog gét

Emes dae ophéltj met werke..... môt doorgaon
met laeve.....

Men môt neet altied alles zwart bekieke mér ens
beginne mét gries

Waem de miens good haet lere kénne geit van beeste
haoje

In deze tied zeen d'r veul die té hél kakele mér te
weinig eijer ligge

Eine criticus is emes dae de waeg waal wétj mér de
auto neet kan besture

Waem ein plank bliéftj aafsjave, héltj gein hout
mier euver mér allein naog sjaefsel

Wae motte angere vergaewe geweon omdét ze anders
zeen

Men môt liere spele mét de kaarte die mén in de
henj haet

Vrindj en viandj beginne mét dezelfde létter

Ontreurdj zeen bie angermans leid is aom haole met
't hert

Het zaod van de vreugdje liktj in het verdreet

Inspraak sönger inzicht is oetspraak sönger oetzicht

Het is baeter ein hert songer weurd te höbbe, dén
weurd songer hert

Wilskracht is: nemes vertélle des se opgehaoje bés
met rouke

Emes met twee horloges wétj noot precies wie laat
dét 't is

Zelfbedrog is: diene boek intrekke es se op de
waegsjaol steis

Es se echt ein geheim wils beware höbse gein hulp
neudig

Haod de haop gaondje, de lamp brandjend en de
deur aoep



Millieu.

De Rièn, waat is dae dök en sjoèn bezõnge,
mer wie wéurdjtjer de lêste
tied mit omgesprõnge .?

Al det vergif, det is toch oèt de boze...
Moge ze zelfs mit vergunning auch naog lo-ze.
Al dae smurrie en al dae stank...
Meuktj legaal eine grens êuvergank.
De Delta-werke in 't Zieëuwse landj...
Ligge gewoèn aan de verkieërdje kantj.!

Grindj-gaat.

Eüveral in Limburg këntj men plasse,
Die neet zoé-good in 't landjsjap passe.
Mer in Naer is eine berg ein gaat.
Ich zek 't good, bèn echt neet zaat.
De Brook-berg is neet hoèg mer deep,
Hae is oèt-gegrave, dao zitj de kneep.
Dao kwaam vèul volk 't aafgeloupe jaor,
En die zorgdje vèur troep, jao echt waar.

Edere Kwiebus of Kwiebussin
geit mit dees daag toch zeker op stap.
En haet ter den zin in eine lekkere hap.
Wae hove 't eigelik neet te sjrieve,
gae zultj 't waal waete.....biej



TOM en MIEKE

kontj gae lekker aete !!

WAAT IS GOOD ? KWIEBUS BROOD

Wae bakken 't al daag vers
want det is ooze commers
Gries wit en broen.
Mer noew gaeve wae 'm
iêrst drie daag van ketoen.



BROEËD EN BANKETBEKKERIE

Har v.d. Beurs

Ingelmanstraot 11 - Naer - Tel. 1296

In Naer op de hook
Bedene ze uch altiëd good!



Eederein wâtj waem det is
Veur sjoon of tekstiel

kómtj gae zeker neet veur niks!

CLAESSEN

Eine Kwiebus duit waal ins gek, mer is neet lómp....

Daoróm tenktj hae nateurlik aan de



VRIJE POMP

W. HOUBEN Heljesewaeg NAER



Hèt adres veur:
BROELOFTE en anger FIEËSTE
en alles waat geveerdj mot weûre.



ALTIED GOOD

Hotel-Café-Restaurant

"De Lindeboom"

Napoleonswaeg - Naer



Neet allein vèur sporters
mer veur ederein.



Mit carnaval weurdj gae toch al genog
gestraeke. Mer nao carnaval kontj gae bie
mich terecht vèur

Massages - Bandages - Voetreflextherapie
Auch veur ein zonnekuur.

Piet Moors

Heljesewaeg 4 - Tillefoon 04759-3559

Edere daag staon wae vèur uch klaor
Van 's-murges vreug, toet deep in de nacht
Mer mit de carnaval hùbbe wae gesjaote,
Den gaon wae op vekansiell

Wae winse uch allemaol hieël plezerige daag.

Directie en Persenieël van



„t VAERHOES
J. BONGERS - Naer

Veur eine gezellige carnaval
Natuurlik nao Hilda en Wim det wétj gae wal
Auch, door 't jaor hubtj gae dao vèul plezeer
Biej lekkere drank en ein good
getaptj glaas Linjeboumbeer.

Café Gijzen- Claessen

Aparte vergaderruimte aanwezig.

Wiltj ge in de optocht det der meziek is
Bel den op tied, den vraogt ge neet mis.
Wae verzorge det veur uch gaer,
zoeëdet 't den good klinktj hiej in Naer.

BERBEN
Geluidsinst. Verhuur
Antenneinst.

MEULENSTRAOT 14
Telefoon 1888

NAER



Wiltj gae eine noewe auto koupe?
Gaotj den nao

OPEL - PEUGEOT - GARAGE

BUDDEMEYER

Napoleonswaeg 74 - Naer - Tel. 04759-2179

Marja Nijskens
erkend bloemsier-
kunstenaar

Vèur alles
waar mit
bloome te
make haet.

Reukerke
kadootjes, bloemen, planten
Steeg 10, Neer, tel. 3931

Vèur al eur drùkwerk nao



KWIEBUSDRUKKERIE
GEBR. BOEËNE

Engelmanstraot 42 6086 BD Naer

Wae winse ederein eine plezerige Vastelaovendj



- Stoffen (auch veur Carnaval)
- Fournituren - Nomotta wol
- Çava kleding
- Klein verstél werk

DEBO

aan den Boom
Meulestraot 20 - Naer
Til. 2610

Eupeningstieje: maandjig-goonsdig-donderdig-
vriedig van 8.45-12.30 en van 13.30-18.00 oor
Vriedigs koupaovendj - Dinsdigs geslaote.
Zaoterdig van 9.00 - 16.00 oor.

Wiltj gae waal gluive.....

- * Det de aafgeloupe wintjer 't snieë en iesvrij make van diverse waeg te winse euverleet... mer het waas mich auch eine wintjer.
- * Det 't neet dudelik is os strak bij ein her indeiling eventueel Naer bij Roggel kumtj of Roggel bij Naer....
- * Det op Kerstaovindj het oetblieve van ein gezinsmès veural veur de jeugd as aojers ein gemis is aan te merke....
- * Det het monumentaal pandj „Heuize Mina” en aangrenzendj „Hiërehoes” naog altied de hieële dôrpskern ontseertj... ondanks drie börgemeisters die dit auch hõbbe gezeen....
- * Det 't opveltj wiewêul d'r s'aves naog songer leecht rondj fietse in en boete de kom van het dôrp.... en nemes zaet get....
- * Det ter noekomers in Naer zeen die dök naog de grøetste moel hõbbe, de publiciteit zeuke en het meist onkontent zeen....
- * Det ter veul krietiek is vanoet de gemeinsjap op het veurstel om de sjoël/kerkpaad euver het Kempke te laote verdwiene....
- * Det zaatvraeters zich kort gelaeje hõbbe vergraepe aan het Kwiebusmonumentje, mer det de **echte** Kwiebus neet kepot te kriege is.
- * Det de gemeinsjap weer financiëel op mot draeje veur de duur apparatuur die bij de inbraak in de sjoële verlaore gông.
- * Det ter veur de aafgeloupe verkézinge van de gemeindjeraod door de versjillende licëste weer van alles weurdje belooftj (wiej geweun).
- * Det 't in die waeke raegendje van verke-zingsfolders met verkezingskal, loze beloften en bienao neet waor te make toezégingen....
- * Det men zich Zaoterdigs 's-aves en sunsjes-smurges wal ens aafvreugtj - woa zeen al die kinjer - naog wal van twee sjoële - es ter kerkdeenste zeen ? En aevenzieër woa zeen de vaders en de moders?



Herindeling.

Het sting zoë vast wie eine paol,
Ein herindeling op groeëte sjaol.
Waat in den Haag waas oetgedacht,
Wêurdje in Maastrecht in kaart gebracht.
De delegatie Roggel-Naer... mit vèul taboe,
Die deje vèurluipig waal de gerdienne toe.
Mer de lètste ontwikkelinge in die zaak,
Verbijstering.....'t wêurdje eine draak.



Lieke Berben.

Vêul iêrder as men ha gedacht,
 Kwaam ein wisseling van de wacht.
 Al klintj 't missjien get wrang,
 Lieke verleet 't "Algemeen Belang".
 Toch waas 't neet zo'n good bericht,
 Want meid doe waors ein zwaor-gewicht.
 Wae zeen dich naog altied lachendj kalle,
 Doe waors neet op dien mülke gevalle.

Tied of geine tied laeze

De aoje daag beteikendj té veul ruumdje in hoes en
 té weinig in het medecienkestje

Euverdraeve zorg veur de gezöndheidjheid kam
 emes doodkrank maken

Omdet O.L.Heer neet everal kôs zeen haet ter de
 moders gesjape

Het versjil tösse noeus en roddel liktj of men
 hêlop of fluusterend kaltj

Het getrouwdj zeen is es aete mét stékskes, het liektj
 gemékkelik, zolang men het neet zelf probeertj ...

De meiste foute die men in 't laeve maaktj gebeure
 es men **nae** dinktj en **jao** zaet

Eine gegtrouwdje man möt ettelikke kiere van vél
 verwissele veurdet hae 't vriegezelle laeve is
 ontgreutj.

Het zo ein zaege zeen es wae oos ore net zo
 gemekkelik aope en toe köste doen es oos ouge ..

Get good doen kan men vlotter den oetligge waat
 men verkeerdj haet gedaon

Veur de optimist höbbe alle deure knuup en klinke.
 Veur de pessimist höbbe alle deure sleuj en sjouwe

De drie meulikste dinge in het laeve zeen: ein
 geheim beware, ein belediging vergaete, en vrieje
 tied good gebroeke

Dae good kan loestere is neet allein ein gezene
 figuur, mér op de door kumtj hae auch naog gét
 aan de waet

Es miense euver heure familie-stamboum kalle,
 snoeje ze bienao zeker hiej en dao ein tekske weg

Echte leefdje is es ein glaas dét aan sjerne geit es
 men het té stief of té los vasthêltj

Gank neet vesse nao komplementjes; die zitte
 meestal in erg ondeep water


Automatisering is ein dusdanig technische procedé
 det 't werk duit wobiej men rostig kan blieve zitte.
 In vreuger jaore heet det: **moder**

BARTELS b.v.

GEVELS EN DAKEN


Moerbeilaan 10 - 6086 EC Neer (L.) - Tel. 04759-1838

Wenst alle Neerse Kwiebussen
fijne karnavalsdagen



Drie daag zitte wae same, daonao doon ich weer
gaer al 't loeënwèrk veur wei, stal of landj. . . . !!

Piet van Zeegers Tjeu




VAN DEN BOSCH

Soerendonck 7

NEER

VERWERMING
SANITAIEN
DAAKBEDEKKING



LOODGIETERSBEDRIJF
GEBR. NOBLESSE

Wiltj gae oet gaon
en wiltj gae uch toch thoes vêule

Gaotj den nao

Café Sjaen en



Dao is 't wiej van aods gezellig,
dao konse van op aan.
Dao geit 't wiesse zaes
Waer of gein waer.....draan..!!!
MAY EN LEON




Aan edere Kwiebus of Kwiebussin wille
wae gaer verkoupe
Daoveur hoeft gae echt neet nao anger
plaatse te loupe.
In oze showroom en hobbyshop kont
gae vrieblievendj kome kieke.
Dao vindj gae keuze genog en neet te deur
det zal uch al gauw blieke

VEUGELERS

DOOT 'T ZELF SJOP

Napoleonswaeg

Naer



de boerenpartner
Maasoever[®]
VEEVOEDERFABRIEK NEER BV

Postbus 4406,
6086 ZG Neer
Tel. 04759-2020*



Zeker weite

Es gae möt keze en gae dootj het neet is det auch ein keus.....

Gastvrieheid besteit oet get verwerming, get aete en hiel veul röst.....

Niks is zo vermeujend öm te redetwiste met emes dae wétj wo d'r het euver haet.....

Fiemeleers lieke nét zoveul op vrinj es wolve op huunj.....

Het meulikste te beware geheim is wie good wae oos zelf vinje.....

Ein vrouw kan met eine zucht meer zégge dan eine man mét eine praek.....

Dao zeen miense die leecht oetstraele en daó zien miense die alles verduüstere.....

Waas se van dichzelf dinks is belangrijker den waat angere van dich dinke.....

Het is baeter te zwiege en get te beteikene, dén te spraeke en niks te zeen

Versténjig spraeke kan meuilik zeen, verstenjig zwiege meestal naog meuiliker.....

Riej zelf asof de angere auto op de waeg van dich waas

De miens heurtj het beste es d'r belofes weure gedaon

Eine hamer kan wal ens mis slaon; eine bos blome neet

Beminnen en bemindj weure is de zön aan weerskantje veule

Vader weure is heel licht, vader zeen is ein zwaor plicht

De pien van eine angere verlichte is die van dichzelf vergaete

Egoisten höbbe get eigenaardigs . . . ze kalle noot euver angere . . .

Miense songer foute höbbe as regel weinig deugden.



Mexico.

Ein team van de basis-sjoël H. Hart oet Naer Hôlp ein Mexicaans weeshoés toch hieël gaer. Ondanks groëte ozel, waas dao neet verbaoje... Om de Waereldj Kampioensjappe voetbal te haoje.

Toen kwaam sônger groëte voetbal-bondj, deze mini-kampioensjappe vanne grôndj. De groëte ha-je achter de gool ein net.. De mini's deje 't vèur 't doel... en pret.



Mooder Maas.

Eine prachtige, massale stroom,
Driefj Naer verbiej, wie eine droum.
En al det water, in sjitterendj pracht,
Dreugtj sje-pe mit allerhandje vracht.
Auch zuut men op dees brei reveer,
Zeil of jacht-buëtjes vól plezeer.
Dit water, sierlik op en top,
Fleurtj 't landsjap aardig op.

Sjientj de zôn, of wejtj 't get kil,
Men wêurdje van dit printje efkes stil.
Waal vreugt men zich aaf, woë 't aan likt,
Det ze hiej in Naer zoë vrindjelijk knikt.
As men kieket nae die prachtige sjittering
Bekruuptj ôs toch ein klein verbittering.
Deze dame, och waat is ze toch sjoën geklêdj,
Waarom wêurdj die mit zêuvel troep besmetj?.

Ze driefjt door dôrpkes, stae en landj
En vèssers amuzere zich langs de kantj.
In gedachte raaktj men soms verzeiltj,
Wie sjoën ze Limburg doormidde deiltj.
Men zuut ze zich in alle bochte wringe,
Terwiel de baekskes get water bringe.
As men dit alles röstig zitje te bekiëke.
Veutlj men zich toch eine echte riëke.

Herinneringen oet de gooie aoje tied.

Ich zo d'r get veur euver hōbbe om héél efkes weer
ens kindj te zien wie vreuger.

Es ich nōg eine keer dinge kōs doonzo-es: renne zo
hél es ich kōs op klump, om dén de hēlle grondj
ōnger mien veut te veule op gevaor aaf det ich mich
harinkeldje

Nao hoes koos laupe oet de sjool, eine stein veur
mich oet stampendj . . . aafwachgend waat moder
vandaag weer gekaoktj ha

Of hél loupe mét eine sjievel van ein aoj fietsevelg
en mét eine sték in de handj het dink vroet dujendj.

Mien naas taege ein kaoj half bevroore roet kōs
haoje es bieje Veuge of Sjoekoop oetgestaldj waas
veur Sinterklaos of Kerstmis.

Om es de snee diek loog met de naoberkinjer kōs
sliddere van de kerkberg wo toe naog gein trappe en
plantsoen wore en auto's gein gevaor opleverdjen.

Euver de waeg waggelend op ein twiede handjs
fietske in uuterste concentratie, op mien ōngerlip
bietend, op 't ierste stōkske det ich helemaol allein
fietse kōs, songer te valle

Biej mien vader op de sjoot klōm en mien ierste
hanepoutje op de randj van ein aoj gezét möcht
sjrieve

Van mien moder ein krintemik nao bekker Jeusjes
mocht haole en ich ongerwaeges de krinte of reziene
rōndöm al ha gepreufdj es ich aan thoes kwaam.

In wintjerdaag es 't vraor det 't kraakdje wae eder
eine verwōrmdje moorstein mét nao bed nome dae
den ein oor van te veure in bed gelagdj weurdje. Det
waas de innigste tied van het jaor det wae gaer nao
bed gonge . . .

Miene kop wied achtereuver kōs doon, mien ouge
toekniepe en miene möndj wied aopezette om dieke
sneevlokken op mien tōng te veule smiltje

Bienao neet in slaop kōs kome op sinterklaos-
aovendj, sjerp loesterendj nao paersveut op het
daak en heilig in sinterklaos gluive mér bienao weite
dét hae neet bestōng.

Mer jaomer genōg, dae tied is verbiej en zal auch
noot meer truuk kome, zégge ze

De aojere zulle 't nog wal weite
 Waat hubbe die boere van vreuger toch motte zweite
 Mer sinds det Jan van Dingena Sef der is mit zien Loëenbedrief
 Haet det allemaol nieks mieër om 't lief.
 Combeine, ploge méstverspreije duit ter veur uch mit plezeer.
 Puinrume, vulzandj en teeltaerd bringt ter veur boere en veur edere
 partikuleer.
 Veur vakkundig en degelik werk waat auch eder kieër bliektj
 Daoveur kontj gae goodkoup, terecht bije:



JAN van DINGENA SEF op GENDIEK

De leefde geit veurieërst door de maag,
 dit geldj temieër veur de vastelaovesdaag.
 Want es gae den toeskómtj en gae veultj uch
 sjlap.....neem den dalik 'ne lekkere hap!
 Vanaaf bieftjötök toet balkebrie
 van de uch bekende sjechterie

H. THEELEN



**EUR ADRES VEUR ALLE
 MEUBELSJT OFFEERWERK
 en
 WUëNINGINRICHTING
 Jan Houben**

KWIR 1

NAER

**Wiltj gae good én goodkoup
 AOTO—RIEJE LIEëRE??**



Den zal

JAN van BOUM

uch det mit veul plezeer liëre.

Hubtj gae ôrges ein gaat in gesjruidj
 of wiltj gae op reis mit ein gerôst hert,
 Eure auto ôrges taeye aan geduudj,
 of troodj ge buurvrouws kat oppe stert.
 Wiltj gae ein hoes of get anges koupe,
 aug veur ein verzekering op 't laeve
 Motj gae neet nao angere loupe,
 kan ich..... uch alle inlichtingen gaeve.
 Mit daobie premies aanne lieëge kantj,
 en auch nog inne meiste gevalle,
 'n flinke proem winstdeiling achtere handj.
 Waorum zootj ge neet ens euver **CONCORDIA**
 kalle,
 mit.....Sjaak Driessen (van An van Broadskoab)



concordia

Haed mieër veur uch euver.

Rieterwaeg 4 - Naer - Tel. 04749-1872

Wiltj gae get veur

euren haof, hondj, kat, veugel, doeve
 vissen en visgerei.
 Gaotj den nao

**VESTJENS
 ZAADHANDEL**

dao hubbe ze 't geliek !!



„De Gastronom”

JOS en ANNELIES DERIKX

Napoleonswaeg - Naer - Tel. 3624



Eine raad wil ich uch gaeve
 Genietj toch dees daag van 't
 laeve
 Nao dees daag staon ich weer
 veur uch klaor. As 't mot zeen
 daag en nacht, 't ganse jaor.

**Tömmer en bronboewbedrief
 SIJBEN**

Leudalwaeg 1 - Naer

Drie daag weurtj het waal get later
 En hubtj gae den eine flinke kater
 Gaontj den nao de werme bekker
 Den v'eultj gae uch weer gauw erg lekker

**BEKKERIE
 TIMMERMANS**



Asse in 't spiegel kieks
 en doe zuus den eine kater
 den waas det waase dronks
 hieël zeker gein water.
 Mer as de lol draaf is,
 wilse auch dae gekke kater kwiet.
 Maak dich den gein verwiet.
 Gank aevekes nao



DROGISTERIE

ELLIE en JOEP

en dae gekke kater zitj weer oppe stoep.





Rabobank



Mit oos gooj rente
Hübtj gae ekstra vastelaovessente